



Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj 5/08) i člana 30. Zakona o izvršavanu Budžeta Unsko-sanskog kantona za 2025. godinu („Službeni glasnik Unsko-sanskog kantona“, broj: 1/25), na prijedlog Ministarstva privrede, Vlada Unsko-sanskog kantona na 62. sjednici, održanoj dana 12.8.2025. godine, d o n o s i

O D L U K U

o kriterijima i postupku dodjele sredstava odobrenih u Budžetu Unsko-sanskog kantona za 2025. godinu putem Ministarstva privrede sa pozicije Grantovi nižim nivoima vlasti

Član 1.

(Predmet)

Ovom Odlukom utvrđuju se kriteriji i postupak dodjele budžetskih sredstava (u daljnjem tekstu: sredstva), odobrenih u Budžetu Unsko-sanskog kantona za 2025. godinu putem Ministarstva privrede (u daljnjem tekstu: Ministarstvo) sa pozicije Grantovi nižim nivoima vlasti, cilj, sredstva za implementaciju i raspodjela sredstava, pravo na učešće i dodjelu sredstava, način podnošenja zahtjeva, kriteriji za dodjelu sredstava, namjena utroška sredstava, rok za implementaciju, ugovor o dodjeli sredstava, izvještavanje o utrošku sredstava i stupanje na snagu Odluke.

Član 2.

(Cilj)

Cilj Odluke je pružanje podrške općinama i gradovima Unsko-sanskog kantona (u daljnjem tekstu: Kanton) za realizaciju projekata iz oblasti turizma definisanih ovom Odlukom.

Član 3.

(Sredstva za implementaciju i raspodjela sredstava)

- (1) Sredstva za implementaciju ove Odluke obezbijedena su u Budžetu Kantona na ekonomskom kodu 614100 - „Grantovi nižim nivoima vlasti“, subanalitika - FAL001 - u iznosu od 300.000,00 KM (slovima: tristotinehiljadakonvertibilnihmaraka 00/100).
- (2) Ukupna sredstva iz stava (1) ovog člana dodjeljuju se gradovima/općinama za refundiranje/sufinansiranje projektnih aktivnosti u sljedećim iznosima:
 - a) za općinu Kantona do 36.000,00 KM,
 - b) za grad Kantona do 40.000,00 KM.

Član 4.

(Pravo na učešće i dodjelu sredstava)

- (1) Pravo učešća imaju općine i gradovi Kantona.
- (2) Pravo na dodjelu sredstava ostvaruju općine/gradovi koji podnesu zahtjeve za refundiranje/sufinansiranje projektnih aktivnosti i koji ispunjavaju kriterije utvrđene ovom Odlukom.

Član 5.

(Način podnošenja zahtjeva)

Općine i gradovi podnose Zahtjev za refundiranje/sufinansiranje projektnih aktivnosti shodno ovoj Odluci na Prijavnom obrascu koji je propisan kao Prilog I ove Odluke i popunjavanjem Izjave o realizaciji projekta koja je propisana kao Prilog II ove Odluke, a koji se preuzimaju sa web stranice Ministarstva/Vlade Unsko-sanskog kantona.

Član 6.

(Kriteriji za dodjelu sredstava)

- (1) Sredstva iz člana 3. stav (2) ove Odluke dodjeljuju se gradu/općini koji:
 - a) dostavi blagovremen i uredan Zahtjev i Izjavu iz člana 5. Odluke,
 - b) dostavi osnovan Zahtjev za projektne aktivnosti iz člana 7. Odluke.

- (2) Dodatni kriteriji koji će predstavljati prednost pri ocjeni projekta su:
 - a) da projekat predstavlja novost u turističkoj ponudi;
 - b) da projekat ima internacionalni karakter;
 - c) da projekat promovira domaće proizvode, autohtonu kulturu, tradiciju i običaje;
 - d) da projekat afirmiše saradnju među gradovima/općinama;
 - e) da je projekat uključujući i senzibilan prema osjetljivim društvenim kategorijama (djeca, osobe s poteškoćama, stare osobe, nezaposleni);
 - f) da projekat angažira volontere i promoviše volonterizam.

Član 7.

(Namjena utroška sredstava)

- (1) Sredstva dodijeljena po ovoj Odluci mogu se koristiti za organizaciju turističkih i drugih manifestacija u 2025. godini, koje doprinose unapređenju turističke ponude općine/grada i Kantona i to:
 - a) za projektne aktivnosti realizirane od 1.1.2025. godine do dana donošenja ove Odluke sredstva se refundiraju,
 - b) projektne aktivnosti realizirane u periodu od donošenja Odluke do dana 31.12.2025. godine se sufinansiraju.
- (2) Neprihvatljivi troškovi, za koje se ne mogu koristiti sredstva su: troškovi tekućih komunalnih usluga (telefon, struja, voda, plin, gorivo i sl.), lični dohodak (plaće, doprinosi, službena putovanja i ostale naknade radnika korisnika sredstava) i ugovori o djelu s fizičkim licima.
- (3) Svako korištenje odobrenih sredstava suprotno namjenama utvrđenim ovim članom smatrat će se nenamjenskim utroškom.

Član 8.

(Rok za implementaciju)

Rok za implementaciju projekata je 31.12.2025. godine.

Član 9.

(Ugovor o dodjeli sredstava)

- (1) Ministarstvo sa općinama i gradovima zaključuje Ugovore o dodjeli sredstva.

- (2) Ugovor o dodjeli sredstava iz stava (1) ovog člana sadrži: ugovorne strane, predmet i cilj Ugovora, odobreni iznos sredstava i doznačavanje, obaveze i odgovornosti ugovornih strana, trajanje i raskid Ugovora i ostale odredbe.

Član 10.

(Izveštavanje o utrošku sredstava)

- (1) Korisnici sredstava u skladu sa ugovorom iz člana 9. ove Odluke obavezni su dodijeljena sredstva Ministarstva koristiti namjenski i dužni su dostaviti:
- izvještaj korisnika sredstava o namjenskom utrošku dodijeljenih sredstava sa kompletnom dokumentacijom,
 - izjavu potpisanu i ovjerenu od strane gradonačelnika/načelnika kojom se potvrđuje namjenski utrošak sredstava i da je provedena procedura javnih nabavki u skladu sa Zakonom.
- (2) Dokumentacija koja se dostavlja uz Izvještaj o namjenskom utrošku sredstava, a kojom se dokazuje namjenski utrošak sredstava mora biti u originalu ili ovjerenoj kopiji (ugovori, računi, izuzev izvoda iz banke o izvršenom plaćanju računa i fotodokumentacije) datirana od 1.1.2025. godine do 31.12.2025. godine.
- (3) Rok za dostavu izvještaja je najkasnije 15 dana od dana isteka roka za implementaciju projekta.
- (4) Ministarstvo vrši nadzor namjenskog trošenja sredstava odobrenih korisnicima na osnovu dostavljenih izvještaja, a po potrebi i neposrednim nadzorom kod korisnika sredstava.
- (5) Ukoliko korisnik sredstava ne dostavi Izvještaj o utrošku sredstava ili nenamjenski utroši sredstva, Ministarstvo pokreće zakonom propisan postupak za povrat finansijskih sredstava i izriče zabranu pristupa budućim poticajnim sredstvima.
- (6) O utrošenim sredstvima po ovoj Odluci Ministarstvo će u skladu sa Odlukom o usvajanju programa utroška, a nakon dostavljanja Izvještaja o utrošku sredstava, izvijestiti Vladu Kantona.

Član 11.

(Stupanje na snagu)

Ova Odluka stupa na snagu danom donošenja i objavit će se u „Službenom glasniku Unsko-sanskog kantona“.

Broj: 03-02-51-784/2025
Bihać, 12.8.2025. godine



